



Broj: 01/26

Datum: 05.01.2026. godine

Na osnovu člana 64. stav (1) tačka b), člana 88, člana 70. stav (1), (3) i (6) Zakona o javnim nabavkama Bosne i Hercegovine („Službeni Glasnik BiH“ br. 39/14, 59/22 i 50/24), Statuta JP „LOKOM“ d.o.o. Sarajevo (Službene novine KS br. 15/13, 47/14, 29/18, 3/22, 20/23 i 28/24), Pravilnika o javnim nabavkama roba, usluga i radova br. 2448/22 od 30.12.2022. godine i br. 481/23 od 17.03.2023. godine, na Preporuku Komisije za provođenje postupka javne nabavke broj: 3188/25 od 31.12.2025. godine, direktor JP „LOKOM“ d.o.o. Sarajevo, **d o n o s i**

O D L U K U **O IZBORU NAJPOVOLJNIJEG PONUĐAČA**

Član 1.

Prihvata se preporuka Komisije za nabavku broj: 3188/25 od 31.12.2025. godine i Okvirni sporazum za nabavku i isporuku sportske opreme i rekvizita - **LOT 1: Nabavka golova**, dodjeljuje se ponuđaču **GLOVIS d.o.o. Zenica, ul. Zmaja od Bosne bb, Poslovna zona Zenica 1, 72000 Zenica, za ponuđenu cijenu nakon okončane e-Aukcije u iznosu od 13.500,00 KM bez PDV-a, odnosno 15.795,00 KM sa PDV-om**, kao najpovoljnijem ponuđaču.

Član 2.

Obavezuje se ponuđač iz člana 1. ove Odluke da u roku od 5 (pet) dana od dana zaprimanja obavještenja o rezultatima ovog postupka javne nabavke, dostavi original ili ovjerene kopije dokumentacije tražene tačkom 3.1.3. tenderske dokumentacije, a koja se odnosi na član 45. stav (2) Zakona o javnim nabavkama BiH.

U slučaju da izabrani ponuđač propusti dostaviti dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, donijet će se nova Odluka u korist onog ponuđača čija je ponuda po rang-listi odmah nakon ponude najuspješnijeg ponuđača.

Član 3.

Prijedlog Okvirnog sporazuma o nabavci dostaviće se na potpis izabranom ponuđaču u roku od deset, računajući od dana kada su svi ponuđači obaviješteni o izboru najpovoljnije ponude.

Član 4.

Ova Odluka će se uputiti svim ponuđačima koji su učestvovali u postupku javne nabavke i objavit će se na internet stranici ugovornog organa u skladu sa članom 70. stav (6) i članom 71. Zakona o javnim nabavkama BiH.

Član 5.

Protiv ove Odluke dozvoljena je žalba u roku od 5 (pet) dana od dana prijema iste.

O b r a z l o ž e n j e

Postupak javne nabavke, pokrenut je Odlukom o pokretanju postupka javne nabavke broj: 2999/25 od 12.12.2025. godine. Nabavka je provedena putem konkurentskog zahtjeva za dostavu ponuda.

Ukupna procijenjena vrijednost javne nabavke iznosi 29.668,73 KM bez PDV-a.

Shodno članu 16. Zakona o javnim nabavkama predmetni postupak javne nabavke je podijeljen na dva lota, i to: LOT 1: Nabavka golova i LOT 2: Nabavka sportskih rekvizita. Procijenjena vrijednost javne nabavke za LOT 1 iznosi 13.542,90 KM bez PDV-a.

Obavještenje o nabavci i tenderska dokumentacija su objavljeni na Portalu javnih nabavki dana 15.12.2025. u 16:11 sati pod brojem: 269-7-1-174-3-116/25, a sažetak Obavještenja o nabavci



objavljen je u „Službenom glasniku BiH – Oglasnik javne nabavke“ br. 76/25 dana 19.12.2025. godine.

Komisija za provođenje postupka javne nabavke imenovana je Odlukom o imenovanju Komisije za javnu nabavku broj: 3132/25 od 24.12.2025. godine.

Protekom zakonskog roka za dostavljanje ponuda, Zapisnikom o zaprimanju ponuda, broj: 3154/25 od 26.12.2025. godine i Zapisnikom o otvaranju ponuda, broj: 3155/25 od 26.12.2025. godine, konstatovano je da su za LOT 1 blagovremeno zaprimljene 2 (dvije) ponude, i to ponuđača: Top Sport d.o.o. Bijeljina i GLOVIS d.o.o. Zenica, te da nije bilo neblagovremenih ponuda.

Nadalje, u skladu sa članom 65. Zakona o javnim nabavkama, Komisija je izvršila pregled i ocjenu dostavljenih ponuda, te sačinila Zapisnik o pregledu i ocjeni ponuda, kojim je utvrdila da su ponude ponuđača: Top Sport d.o.o. Bijeljina i GLOVIS d.o.o. Zenica prihvatljive, odnosno da ponude ispunjavaju kvalifikacione i formalno-pravne uslove tražene u tenderskoj dokumentaciji i iste su u okviru procijenjene vrijednosti. U skladu sa tačkom 5.11. tenderske dokumentacije i članom 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15), Komisija je izvršila provjeru računske ispravnosti kvalifikovanih ponuda, te konstatovala da u ponudama nije bilo računskih grešaka.

Detaljno obrazloženje oko evaluacija ponuda, dato je u Zapisniku o pregledu i ocjeni ponuda broj: 3187/25 od 31.12.2025. godine.

Tenderskom dokumentacijom u tački 4.13. predviđeno je provođenje e-Aukcije, te je Komisija u skladu sa članom 64. stav (1) tačka b) Zakona o javnim nabavkama („Službeni Glasnik BiH“ br. 39/14, 59/22 i 50/24), odnosno primjenom kriterija „najniža cijena“ i Pravilnika o uslovima i načinu korištenja e-Aukcije („Službeni glasnik BiH“, broj 80/23), utvrdila početnu rang listu ponuđača, te u sistem e-nabavke unijela sve prihvatljive ponude, kako slijedi:

Red. broj	Naziv/ime ponuđača	Početna cijena u KM bez PDV-a	Rang
1.	GLOVIS d.o.o. Zenica	13.500,00	1
2.	Top Sport d.o.o. Bijeljina	13.540,00	2

U skladu sa Pravilnikom o uslovima i načinu korištenja e-Aukcije („Službeni glasnik BiH“, broj 80/23) zakazano je održavanje e-Aukcije na Portalu javnih nabavki BiH za ponedjeljak, 31.12.2025. godine sa početkom u 10:00:00 sati.

E-aukcija je uspješno završena dana 31.12.2025. godine u 10:10:00 sati, nakon čega je, na osnovu Izvještaja o toku i završetku e-Aukcije koji je preuzet iz sistema e-nabavke, Komisija sačinila konačnu rang listu ponuđača koji su učestvovali u e-Aukciji, kako slijedi:

Red. broj	Naziv/ime ponuđača	Konačna cijena u KM bez PDV-a	Rang
1.	GLOVIS d.o.o. Zenica	13.500,00	1
2.	Top Sport d.o.o. Bijeljina	13.540,00	2

Uvidom u priloženu dokumentaciju i Izvještaju o toku i završetku e-Aukcije nesporno je da je ponuda ponuđača GLOVIS d.o.o. Zenica prvorangirana, sa ponuđenom konačnom ukupnom cijenom u iznosu od 13.500,00 KM bez PDV-a.

U predmetnom postupku javne nabavke, komisija je dostavila upravi preduzeća Zapisnik o pregledu i ocjeni ponuda broj: 3187/25 od 31.12.2025. godine, Preporuku o izboru najpovoljnijeg ponuđača broj: 3188/25 od 31.12.2025. godine i Izvještaj o radu broj: 3191/25 od 31.12.2025. godine.



U skladu sa naprijed navedenim, Komisija za javne nabavke, dala je preporuku direktoru ugovornog organa da, u skladu sa članom 70. Zakona o javnim nabavkama BiH, donese Odluku o izboru najpovoljnijeg ponuđača GLOVIS d.o.o. Zenica u predmetnom postupku javne nabavke.


U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke komisije za javne nabavke.

Naime, u postupku je ocijenjeno da je komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Imajući u vidu navedeno, a u skladu sa članom 64. stav (1) tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 5 (pet) dana od dana prijema iste. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama BiH.



Edin Čano

Dostaviti:

1. Top Sport d.o.o. Bijeljina,
2. GLOVIS d.o.o. Zenica,
3. Službena stranica Preduzeća,
4. Komisija za javne nabavke,
5. U spis predmetne nabavke,
6. a/a.